


2023ko irailean erregistratutako langabezia


2023ko irailean, 1.933 langabe gutxiago erregistratu dira LANBIDEko bulegoetan, hau da, % 1,78 gutxiago; 106.725 langabe guztira. Iraileko langabezia-zifren bilakaerak 2017an hasitako joerari jarraitzen dio, urte horretatik aurrera langabeziak behera egiteko joera baitu irailean.



Irailean erregistratutako langabeen kopurua horrelako hilabete batean txikiena izan da 2008tik. Ordutik gehien hurbildu den iraila iazkoa izan da, azken hilabeteen baino 4.955 langabe gehiago zenbatu baitziren, hau da, % 4,44 murriztu da 2022ko irailetik.

Gaur egun erregistratutako langabeen kopurua 2013ko martxoko maximo historikotik 72.616 pertsonatara dago; 2008an hasitako krisiaren unerik txarrena izan zen urte horretako martxoa. Bestalde, gaur egun, 2007ko ekainean baino 35.770 langabe gehiago daude, orduan erregistratu zen azken hamarkadetako minimo historikoa.

Beste irail batzuetako balio maximo eta minimoei dagokienez, urtaroen eragina neutralizatze-ko, 2023ko iraileko langabeen kopurua 73.448 (- % 39,5) txikiagoa da 2013an baino, eta 33.277 (+ % 45,3) handiagoa 2007ko irailaren aldean.



• S E X U A

Hil arteko datuei erreparatuz, langabezia gehiago murriztu da emakumezkoen artean (-1-250) gizonezkoen artean baino (-683). Urteko erlazioan, kopuru absolutuetan langabezia bi sexuetan paretsu murriztu bada ere, portzentualki jaitsiera handiagoa da gizonen artean (- %5,22, 2.458 langabetu gutxiago) emakumeen artean baino (-% 3,86, 2.497 langabe gutxiago).

• A D I N A

Hileko saldoaren zifrak kontuan hartuta, nabarmentzekoa da 30 urtetik beherako pertsonen portaera txarra; izan ere, kolektibo horretan bakarrik igo da langabeen kopurua, 202 gehiago (% 1,18). Beherakada handiena 30 eta 44 urte bitarteko taldean gertatu da, 1.485 pertsona gutxiagorekin (-%4,60), eta ondoren 45 urtetik gorako taldea dago, 650 pertsona eta % 1,10eko jaitsiera. Urte arteko saldoan langabeziak behera egin du adin-tarte guztietan; 30-44 urtekoek egin dute beherakada handiena, % 8,68; 45 urtetik beherakoetan, % 2,87koa izan da beherakada, eta 30 urtetik beherakoetan % 1,70.

• J A R D U E R A E K O N O M I K O A

Datua sektoreka aztertuz gero, irailean sektore guztietan langabeziak behera egin du, aurreko enplegurik gabekoen artean izan ezik; kolektibo horretan 171 langabe gehiago erregistratu dira. Zerbitzuen sektorean jaitsi da gehien pertsona kopurua, 1.660 pertsona gutxiagorekin, eta lehen sektorean, berriz, jaitsiera erlatiboko daturik onena erregistratu da (-%5,77). Desagregazio-maila handiago batean, hezkuntzako langabeak gutxitu egin dira irailean. Hala ere, gora egin du egoitza-establezimenduetako asistentzian eta lorezaintzan. Ohikoa da irailean hau gertatzea.

Iazko egoerarekin alderatuta, nabarmentzekoa da txikizkako merkataritzak izan duen jaitsiera. Langabeziak gora egin du administrazio publikoaren jardueretatik eta etxeetako jardueretatik datozenen artean.

Xehetasun-maila handiagoan, honako hauek izan dira azken hilabeteen langabeziaren jaitsieragatik gehien nabarmendu diren jarduerak:

o 85 Hezkuntza	-1.446
o 56 Janari- eta edari-zerbitzuak	-294
o Enpleguarekin lotutako jarduerak	-263
o 25 Produktu metalikoen fabrikazioa, makineria izan ezik	-117

Erregistratutako langabeziaren igoeragatik nabarmentzen diren jarduerak:

o 87 Egoitza-establezimenduetako laguntza	343
o 81 Eraikinetarako zerbitzuak eta lorezaintzako jarduerak	215
o 47 Txikizkako merkataritza	192
o Aurreko enplegurik gabe	171

• L A N G A B E Z I A R E N I R A U P E N A

Hilabete honetan, iraupen luzeko langabeziak behera egin du aztertutako kolektibo guztietan; guztira, 241 pertsona gutxiago daude langabezian, eta iraupen laburrekoetan 1.692 gutxiago. Balio erlatiboetan, eta aurreko hilean ikusitakoaren ildotik, urteko erreferentzian, jaitsiera handiagoa ikusten da iraupen luzeko langabeen kolektiboan, % 4,8 jaitsi baita, hau da, -2.678 pertsona gutxiago daude; iraupen laburrekoak, berriz, % 4,04 egin du behera.

2023ko irailean erregistratutako langabezia

Iraupen luzeko langabezia handiagoa da 44 urtetik gorakoen artean, emakumeen artean, eta Bizkaian bizi diren langabeen artean. Azken hilabeteen bilakaera erlatibo onena izan dute gizonak, 30 urtetik beherakoek eta Gipuzkoan bizi direnak lazko urtearekin alderatuta, iraupen luzeko langabeziak behera egin du bi sexuetan eta lurralde guztietan.

• LANGABETUEN KOKAPEN GEOGRAFIKOA

Hilabete honetan, termino absolutuetan, lurralde guztietan jaitsi da langabezia. Bizkaia da balio absolutuetan beherakada handiena izan duen lurraldea. Bizkaian 1.009 langabe gutxiago daude 2023ko abuztuan baino: guztira 59.896 pertsona, % 1,66ko beherakada. Gipuzkoak 27.905 langabe ditu, 2023ko abuztuan baino 816 gutxiago; hiru lurraldeen artean jaitsiera erlatibo handiena izan duen lurraldea da; % 2,84. Araban 18.924 pertsona daude lanik gabe, aurreko hilean baino 108 gutxiago, % 0,57ko jaitsiera.

Urteko saldoan, portaerarik onena Bizkaia dagokio, jaitsiera erlatiboa % 4,96koa izan baita. Ondoren Gipuzkoa dator, % 4,70eko jaitsierarekin, eta Araba, % 2,34ko jaitsierarekin geratu da.

EAEko hiriburuen artean, balio erlatiboetan, Bilbo da bilakaera onena eduki duena, % 1,84ko murrizketarekin. Donostiak % 1,66ko beherakada izan du, eta Gasteiz, berriz, % 0,64koa.

Hilabete honetan langabeziak behera egin du eskualde guztietan, Bidasoa Beherean (+11), Aiarako Haranean (+22), Arabako Lautadan (+5) eta Arabako Ibarretan (+8) izan ezik. Modu absolutuan, portaera onena duten eskualdeak hauek dira: Bilbo (-390), Debarrena (-142), Donostia mendebaldea (-124) eta Ezkerraldea (-117).

Irailean erregistratutako langabezia-indize handienak izan dituzten udalerriak hauek izan dira: Sestao (% 15,81), Alonsotegi (% 14,62), Amurrio (% 14,6), Balmaseda (% 14,22) eta Lanestosa (% 14,17).

• LANGABEZIA - PRESTAZIOA

2023ko irailean, 34.544 langabek jaso zuten langabezia-prestazioren bat, aurreko hilean baino 1.344 gutxiagok. Gaur egun, langabetu guztien % 32,4k langabezia-prestazioren bat jasotzeko eskubidea du. 18.819 langabek, guztizkoaren % 17,6k, kotizaziopeko prestazioa jasotzen dute, eta 14.269k, % 13,37k, langabezia-subsidioren bat jasotzen dute. Gipuzkoa da babes handiena duen lurralde historikoa (% 34,6ko tasa), Araban % 31,5koa da tasa hau eta Bizkaian % 31,6koa.

Abuztuarekin alderatuta, langabezia-estalduraren tasa 0,66 puntu jaitsi da, eta 2022ko irailarekin alderatuta, berriz, 1,42 puntu.

• JATORRIA

Langabeen artean, 18.603 pertsona (% 17,4) atzeritarrek dira. Abuztuarekin alderatuta, atzeritar jatorriko pertsonen artean % 1,87 igo da langabezia, eta bertakoen artean, berriz, % 2,52 jaitsi da. Urte arteko bilakaeran, kanpoko jatorriko langabeen kopuruak % 4,35 egin du gora, eta %6,11 egin du behera bertakoen artean.

Atzerriko langabeen % 33,9 Afrika iparraldetik dator, % 24,5 Latinoamerikatik, % 16,8 Europako Esparru Ekonomikotik, % 11,1 Saharaz hegoaldeko Afrikatik eta % 6,3 Asiatik. Azken hilabeteen langabezia Afrika iparraldeko jatorria dutenen artean igo da gehien (+345).

2023ko irailean erregistratutako langabezia

• IKASKETA MAILA

59.036 langabek, guztien % 55,3k, asko jota, derrigorrezko ikasketak dituzte. Azken hilabeteetan 109 pertsona gutxiago zenbatu dira talde honetan, % 0,18 gutxiago. Azken urtean, langabezia-ren beherakada % 10,72koa izan da oinarritzko prestakuntza-maila dutenen artean.

Batxilergoa duten langabetuak langabe guztien % 7,8 dira. Azken hilabeteetan % 0,26 jaitsi dira eta azken urtean % 15,32koa izan da beherakada; horrela, urte arteko bilakaeran portaera onena izan dute.

Lanbide Heziketako ikasketak dituzten langabetuak 25.990 dira, guztizkoaren % 24,4. Azken hilabeteetan % 1,38 jaitsi dira eta azken urtean % 23,07 igo.

Azkenik, % 12,5ek, 13.383 pertsonak, unibertsitate-ikasketak dituzte. Ikasketa-maila hori duten langabeek % 9,71 egin dute behera hilabete arteko konparaketan, eta aztertutako kolektiboetatik daturik onena izan dute. Iazko datuekin alderatuta, 1.232 pertsona gutxiago daude langabezia (-%8,43).

• KONPARAKETA ESTATUKO DATUEKIN

Estatuan % 0,73 igo da langabezia, 19.768 pertsona gehiago, eta guztira 2.722.468 langabe daude erregistratuta; EAEn, berriz, erregistratutako langabezia % 1,78 murriztu da. Nafarroan % 0,49 hazi da, Errioxan % 4,88 murriztu, Kantabrian % 2,01 hazi eta Gaztela-Leonen % 1,1koa da hazkundera. Katalunian % 1,02 jaitsi da, eta Madrilen % 1,11 igo.

Lan-eskatzailer langabeak 2023ko irailean

	Ira-2023	Abu-2023	Saldoa	Bil %
SEXUA:				
GIZONEZKOAK	44.591	45.274	-683	-1,51
EMAKUMEZKOAK	62.134	63.384	-1.250	-1,97
25 URTEZ AZPIKOAK:				
GUZTIRA	17.259	17.057	202	1,18
GIZONEZKOAK	8.165	8.052	113	1,40
EMAKUMEZKOAK	9.094	9.005	89	0,99
25-44 URTE:				
GUZTIRA	30.793	32.278	-1.485	-4,60
GIZONEZKOAK	11.564	12.148	-584	-4,81
EMAKUMEZKOAK	19.229	20.130	-901	-4,48
45 URTEZ GORAKOAK:				
GUZTIRA	58.673	59.323	-650	-1,10
GIZONEZKOAK	24.862	25.074	-212	-0,85
EMAKUMEZKOAK	33.811	34.249	-438	-1,28
SEKTOREA:				
NEKAZARITZA ETA ARRANTZA	1.780	1.889	-109	-5,77
INDUSTRIA	10.454	10.727	-273	-2,54
ERAIKUNTZA	6.147	6.209	-62	-1,00
ZERBITZUAK	75.124	76.784	-1.660	-2,16
AURREKO ENPLEGURIK GABE	13.220	13.049	171	1,31
LURRALDE HISTORIKOA:				
ARABA	18.924	19.032	-108	-0,57
BIZKAIA	59.896	60.905	-1.009	-1,66
GIPUZKOA	27.905	28.721	-816	-2,84
EAE	106.725	108.658	-1.933	-1,78

2023ko irailean erregistratutako langabezia

ESKUALDEKO BILAKAERA

	Langabetuak	Erregistratutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bajo Bidasoa	3.688	9,9%	11	0,30	-80	-2,12
Oarsoaldea	3.173	8,7%	-93	-2,85	-171	-5,11
Donostia-S.Seb.	6.521	7,5%	-110	-1,66	-397	-5,74
Donost.Oeste	2.754	7,3%	-124	-4,31	-150	-5,17
Tolosaldea	1.797	7,7%	-84	-4,47	-88	-4,67
Urola Erdia	1.148	7,4%	-109	-8,67	-71	-5,82
Goiherri	1.608	7,6%	-18	-1,11	-42	-2,55
Alto Deba	2.291	7,7%	-84	-3,54	-124	-5,13
Bajo Deba	2.528	9,8%	-142	-5,32	-113	-4,28
Urola Garaia	1.026	8,6%	-51	-4,74	-63	-5,79
Urola Kosta	1.371	6,1%	-12	-0,87	-77	-5,32
GIPUZKOA	27.905	8,0%	-816	-2,84	-1.376	-4,70
Vitoria-Gasteiz	14.175	11,4%	-91	-0,64	-655	-4,42
Valle de Aiala	2.137	11,5%	22	1,04	-72	-3,26
Rioja Alavesa	502	8,8%	-15	-2,90	-22	-4,20
Llanada Alavesa	687	9,0%	5	0,73	-19	-2,69
Estrib. Gorbea	301	6,3%	-5	-1,63	2	0,67
Valles Alaveses	388	7,3%	8	2,11	-23	-5,60
Montaña Alavesa	100	6,0%	-1	-0,99	2	2,04
ARABA	18.924	11,4%	-108	-0,57	-454	-2,34
Gobela	4.220	8,3%	-40	-0,94	-279	-6,20
Txorierrri	1.983	8,7%	-30	-1,49	-101	-4,85
Uribealdea	2.665	7,8%	-94	-3,41	-209	-7,27
Duranguesado	3.062	8,3%	-97	-3,07	-133	-4,16
Busturialdea	1.926	8,9%	-56	-2,83	-150	-7,23
Lea-Artibai	853	7,2%	-28	-3,18	-70	-7,58
Encartaciones	1.832	11,8%	10	0,55	-102	-5,27
Arratia-Zornotza	1.373	7,9%	-67	-4,65	-49	-3,45
Medio Nervion	1.267	9,7%	-9	-0,71	-90	-6,63
Bilbao	20.752	12,6%	-390	-1,84	-1.053	-4,83
Margen Izquierda	15.697	12,8%	-117	-0,74	-675	-4,12
Ibaizabal	4.213	10,5%	-94	-2,18	-190	-4,32
BIZKAIA	59.896	10,8%	-1.009	-1,66	-3.125	-4,96
CAPV	106.725	10,0%	-1.933	-1,78	-4.955	-4,44

* Bizkaia eta Arabako eskualdeen batura ez dator bat lurraldeko totalarekin, Orduña udalerria Bizkaikoa izanik Arabako Aialako Ibarra eskualdean kokatzen baita.